



## ԵՎՐԱՍԻԱԿԱՆ ՏՆՏԵՍԱԿԱՆ ՀԱՆՁՆԱԺՈՂՈՎ

### ԽՈՐՀՈՒՐԴ

### ՈՐՈՇՈՒՄ

9 օգոստոսի 2016 թվականի

թիվ 63

քաղ. Մոսկվա

**Եվրասիական տնտեսական միության արտաքին տնտեսական գործունեության միասնական ապրանքային անվանացանկում, ավիացիոն շարժիչների առանձին տեսակների նկատմամբ Եվրասիական տնտեսական միության միասնական մաքսային սակագնում, ինչպես նաև Եվրասիական տնտեսական բարձրագույն խորհրդի եւ Եվրասիական տնտեսական հանձնաժողովի խորհրդի որոշ ռոշումներում փոփոխություններ կատարելու մասին**

«Եվրասիական տնտեսական միության մասին» 2014 թվականի մայիսի 29-ի պայմանագրի 42-րդ եւ 45-րդ հոդվածներին ու Եվրասիական տնտեսական բարձրագույն խորհրդի 2014 թվականի դեկտեմբերի 23-ի թիվ 98 որոշմամբ հաստատված՝ Եվրասիական տնտեսական հանձնաժողովի աշխատանքի կանոնակարգի թիվ 1 հավելվածի 4-րդ կետին համապատասխան՝ Եվրասիական տնտեսական հանձնաժողովի խորհուրդը որոշեց.

1. Եվրասիական տնտեսական միության արտաքին տնտեսական գործունեության միասնական ապրանքային անվանացանկում եւ Եվրասիական տնտեսական միության միասնական մաքսային սակագնում (Եվրասիական տնտեսական հանձնաժողովի խորհրդի 2012 թվականի հուլիսի 16-ի թիվ 54 որոշման հավելված) կատարել հետեւյալ փոփոխությունները՝

ա) Եվրասիական տնտեսական միության արտաքին տնտեսական գործունեության միասնական ապրանքային անվանացանկից հանել ստորաենթադիրքը՝ համաձայն թիվ 1 հավելվածի.

բ) Եվրասիական տնտեսական միության արտաքին տնտեսական գործունեության միասնական ապրանքային անվանացանկում ընդգրկել ստորաենթադիրքեր՝ համաձայն թիվ 2 հավելվածի.

գ) սահմանել Եվրասիական տնտեսական միության միասնական մաքսային սակագնի ներմուծման մաքսատուրքերի դրույքաչափերը՝ համաձայն թիվ 3 հավելվածի.

դ) Եվրասիական տնտեսական միության միասնական մաքսային սակագնի ծանոթագրությունները լրացնել հետեւյալ բովանդակությամբ 46<sup>7</sup> ծանոթագրությամբ՝

«<sup>467</sup> Ներմուծման մաքսատուրքի՝ մաքսային արժեքի 0 (զրո) %-ի չափով դրույքաչափը կիրառվում է Եվրասիական տնտեսական հանձնաժողովի խորհրդի 2016 թվականի օգոստոսի 9-ի թիվ 63 որոշումն ուժի մեջ մտնելու օրվանից մինչև 2017 թվականի դեկտեմբերի 31-ը ներառյալ:».

ե) Եվրասիական տնտեսական միության՝ Եվրասիական տնտեսական միության արտաքին տնտեսական գործունեության միասնական ապրանքային անվանացանկի 84-րդ խմբի լրացուցիչ ծանոթագրությունները լրացնել հետեւյալ բովանդակությամբ 5-րդ ծանոթագրությամբ՝

«5. 8407 10 000 3 ստորաենթադիրքում «վերթիռային հզորություն» ("take-off power") եզրույթը նշանակում է առավելագույն հզորություն, որը զարգացնում է ավիացիոն միոնգային շարժիչը:

«Վերթիռային հզորությունը» ("take-off power") նշվում է տեխնիկական փաստաթղթերում եւ (կամ) ուղեկցող փաստաթղթերում, չափվում է կիլովատտով կամ ձիաուժով (1,35962 ձիաուժին համապատասխանում է 1 կՎտ):»:

2. Եվրասիական տնտեսական բարձրագույն խորհրդի 2015 թվականի մայիսի 8-ի թիվ 16 որոշմամբ հաստատված այն զգայուն ապրանքների ցանկում, որոնց նկատմամբ ներմուծման մաքսատուրքի դրույքաչափի փոփոխության մասին որոշումն ընդունվում է Եվրասիական տնտեսական հանձնաժողովի խորհրդի կողմից, ԵՍՏՄ ԱՏԳ ԱԱ 8407 10 000 8 ծածկագրով դիրքը փոխարինել հետեւյալ բովանդակությամբ դիրքերով՝

«8407 10 000 3 --- 200 կՎտ-ից ոչ ավելի վերթիռային հզորությամբ

8407 10 000 7 --- այլ»:

3. Այն ապրանքների, որոնց նկատմամբ Ղազախստանի Հանրապետությունը, իր կողմից ստանձնած՝ Առեւտրի համաշխարհային կազմակերպությանը միանալու պայման հանդիսացող պարտավորություններին համապատասխան, կիրառում է Եվրասիական տնտեսական միության միասնական մաքսային սակագնի տուրքերի դրույքաչափերի համեմատությամբ ներմուծման մաքսատուրքերի ավելի ցածր դրույքաչափեր, եւ տուրքերի այդպիսի դրույքաչափերի չափերի ցանկում, որը հաստատված է Եվրասիական տնտեսական հանձնաժողովի խորհրդի 2015 թվականի հոկտեմբերի 14-ի թիվ 59 որոշմամբ՝

ա) ԵՍՏՄ ԱՏԳ ԱԱ «8407 10 000 8» ծածկագրով դիրքը փոխարինել հետեւյալ բովանդակությամբ դիրքերով՝

«8407 10 000 3 --- 200 կՎտ-ից ոչ ավելի վերթիռային հզորությամբ 5\*\*\*\*\*

8407 10 000 7 --- այլ 5».

բ) լրացնել հետեւյալ բովանդակությամբ վեցերորդ ծանոթագրությամբ՝

\*\*\*\*\* Ներմուծման մաքսատուրքի դրույքաչափը կիրառվում է 2018 թվականի հունվարի 1-ից:»:

4. Սույն Որոշումն ուժի մեջ է մտնում դրա պաշտոնական հրապարակման օրվանից 10 օրացուցային օրը լրանալուց հետո, սակայն 2016 թվականի սեպտեմբերի 2-ից ոչ շուտ:

**Եվրասիական տնտեսական հանձնաժողովի խորհրդի անդամներ՝**

Հայաստանի Հանրապետությունից՝	Բելառուսի Հանրապետությունից՝	Ղազախստանի Հանրապետությունից՝	Ղրղզստանի Հանրապետությունից՝	Ռուսաստանի Դաշնությունից՝
---------------------------------	---------------------------------	----------------------------------	---------------------------------	------------------------------

Վ. Գաբրիելյան

Վ. Մատյուշեւսկի

Բ. Սագինտաև

Օ. Պանկրատով

Ի. Շուվալով

ՀԱՎԵԼՎԱԾ ԹԻՎ 1

Եվրասիական տնտեսական  
հանձնաժողովի խորհրդի  
2016 թվականի օգոստոսի 9-ի  
թիվ 63 որոշման

**ՄՏՈՐԱԵՆԹԱԴԻՐՔ**

**Եվրասիական տնտեսական միության արտաքին տնտեսական  
գործունեության միասնական ապրանքային անվանացանկից հանվող**

ԱՏԳ ԱԱ ծածկագիր	Դիրքի անվանումը	Լրացուցիչ չափման միավորներ
8407 10 000 8	--- այլ	հատ

---

ՀԱՎԵԼՎԱԾ ԹԻՎ 2

Եվրասիական տնտեսական  
հանձնաժողովի խորհրդի  
2016 թվականի օգոստոսի 9-ի  
թիվ 63 որոշման

ՍՏՈՐԱԵՆԹԱԴԻՐՔԵՐ

Եվրասիական տնտեսական միության արտաքին տնտեսական  
գործունեության միասնական ապրանքային անվանացանկում  
ընդգրկվող

ԱՏԳ ԱԱ ծածկագիր	Դիրքի անվանումը	Լրացուցիչ չափման միավորներ
	-- այլ <sup>1</sup>	
8407 10 000 3	--- 200 կՎտ–ից ոչ ավելի վերթիռային հզորությամբ	հատ
8407 10 000 7	--- այլ	հատ

<sup>1</sup> ԵԱՏՄ ԱՏԳ ԱԱ 8407 10 000 2 ստորաենթադիրքին հաջորդող՝ առանց ծածկագրի ստորաենթադիրք:

ՀԱՎԵԼՎԱԾ ԹԻՎ 3

Եվրասիական տնտեսական  
հանձնաժողովի խորհրդի  
2016 թվականի օգոստոսի 9-ի  
թիվ 63 որոշման

ԴՐՈՒՅՔԱՉԱՓԵՐ

Եվրասիական տնտեսական միության միասնական մաքսային սակագնի  
ներմուծման մաքսատուրքերի

ԱՏԳ ԱԱ ծածկագիր	Դիրքի անվանումը	Ներմուծման մաքսատուրքի դրույքաչափ (մաքսային արժեքից տոկոսներով՝ կամ եվրոյով, կամ ԱՄՆ դոլարով)
8407 10 000 3	--- 200 կՎտ-ից ոչ ավելի վերթիռային հզորությամբ	8 <sup>467)</sup>
8407 10 000 7	--- այլ	8

---